

# ТОШКЕНТ ҲАҚИҚАТИ

1928 йил 11 декабрда асос солинган

## Ўзбекистон Республикаси Президентининг ҚАРОРИ

### ИМОМ ТЕРМИЗИЙ ХАЛҚАРО ИЛМИЙ- ТАДҚИҚОТ МАРКАЗИНИ ТАШКИЛ ЭТИШ ЧОРА- ТАДБИРЛАРИ ТЎҒРИСИДА

Исломи дини ривожига улкан ҳисса қўшган буюк аллома, ватандошимиз Абу Исо Термизий (Имом Термизий) ва термизий алломаларнинг беназир меросини илмий асосда чуқур ўрганиш, муқаддас юртимиз замини азал-азалдан улуг алломалар, азиз-авлиёлар ватани бўлиб келганини юртдошларимиз ва халқроқ жамоатчилик ўртасида кенг тарғиб қилиш, миллий-диний қадриятларимизни асраб-авайлаш ва ривожлантириш, шу асосда ёш авлодни эзгу ғоялар руҳида тарбиялаш, уларнинг қалбида Ватанга муҳаббат ва садоқат туйғусини янада кучайтириш мақсадида:

1. Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита, Ўзбекистон мусулмонлари идораси, Сурхондарё вилояти ҳокимлигининг Сурхондарё вилоятида Ўзбекистон мусулмонлари идораси муассислигида Имом Термизий халқаро илмий-тадқиқот марказини (кейинги ўринларда Марказ деб аталади) ташкил этиш тўғрисидаги таклифи маъқуллансин.

2. Имом Термизий халқаро марказининг асосий вазибалари этиб қуйидагилар белгиланиши этиборга олинсин:

ислом динининг, Қуръони карим ва ҳадис илмининг асл моҳиятини, ҳадисшунослик мактабининг илмий-маънавий асосларини, Имом Термизий ҳамда термизий алломалар, юртимиздан етишиб чиққан мутафаккир зотлар меросини ҳар томонлама чуқур ўрганиш ва кенг тарғиб этиш;

юксак инсоний ғоялар ва муқаддас қадриятларимизни ўзида ифода этган манбаларни таълимий асосда тадқиқ этиш, улардан диний таълим, маънавий-ахлоқий тарбия ишларида фойдаланиш мақсадида зарур дарсликлар ва ўқув қўлланмалари, оммабоп нашрлар, илмий-амалий тавсиялар тайёрлаш юзасидан доимий иш олиб бориш;

турли мафқуравий хуружлар авж олаётган бугунги кунда аждодларимизнинг маънавий меросини чуқур ўрганиш, улардаги эзгу ғоя ва таълимийотларни кенг халқ оmmasига етказиш ва шу асосда ёшларда соғлом дунёқарашни кучайтириш, уларни азалий қадриятларга содиқлик руҳида тарбиялаш;

Имом Термизий ва термизий алломаларнинг бой меросини ўрганиш ва кенг тарғиб этиш мақсадида хорижий илмий марказлар, халқаро ташкилотлар билан ҳамкорликни йўлга қўйиш, халқаро конференция, симпозиум, кўргазма, илмий маърузалар, семинар-тренинглр, танловлар ва бошқа маданий-маърифий тадбирлар ташкил этиш;

мамлакатимизда ҳамда хорижий давлатларнинг кутубхоналари ва кўлёма фондларида сақланаётган термизий алломалар ҳамда буюк мутафаккирларимизнинг кўлёмалари ва тошбосма асарлари нусхаларини, улар ҳақидаги китобларни тўплаш ва илмий-тадқиқот ишларини олиб бориш;

маънавий меросимизни ўрганишда замонавий ахборот-коммуникация технологияларидан, илм-фан ютуқларидан кенг фойдаланишга доир тегишли илмий ишларни ва тавсияларни тайёрлаш.

3. Ўзбекистон мусулмонлари идорасига Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита билан биргаликда бир ой муддатда Марказнинг тузилмаси ва Низомини тасдиқлаш, унинг белгиланган тартибда давлат рўйхатидан ўтказилишини таъминлаш тавсия этилсин.

Сурхондарё вилояти ҳокимлиги, Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита, "Давархитектурчилик" қўмитаси, Иқтисодиёт вазирлиги, Молия вазирлиги мутасадди вазирлик ва идоралар билан биргаликда бир ой муддатда Марказ биноси ва унинг кутубхонасини қуриш, зарур моддий-техник база ва инфратузилмаларни барпо этиш ҳамда ривожлантириш лойиҳаларини тасдиқлаш ва амалга ошириш бўйича Вазирлар Маҳкамасига тахлил киритсин.

4. Марказ фаолиятини молиялаштириш Ўзбекистон мусулмонлари идораси, Имом Термизий ёдгорлик мажмуаси, ҳомийлик хайриялари ҳамда хорижий мамлакатлар ва халқаро диний-илмий марказларнинг маблағ ва грантлари ҳисобидан амалга оширилиши инobatта олинсин.

5. Маҳаллий ва хорижий юридик ҳамда жисмоний шахсларнинг қурилиш ва ободонлаштириш ишларига йўналтирилган маблағлари учун Марказнинг ҳисоб рақамни очиб экани қайд этилсин.

Марказни ташкил этиш ва унинг моддий-техник базасини мустаҳкамлашга йўналтирилган ҳомийлик хайриялари юридик шахслардан олинган фойда солигидан озод қилинсин.

6. Маъжур қарорнинг бажарилишини назорат қилиш Ўзбекистон Республикасининг Бош вазир А. Н. Арипов ва Ўзбекистон Республикаси Президентининг Давлат маслаҳатчиси Х. М. Султонов зиммаларига юклансин.

Ўзбекистон Республикаси  
Президенти Ш. МИРЗИЁЕВ  
Тошкент шаҳри,  
2017 йил 14 февраль

## Болалар спорти: АСОСИЙ ҒАЛАБАЛАР ҲАЛИ ОЛДИНДА

Ўглининг эркин кураш бўйича ўсмирлар ўртасида Ўзбекистон чемпиони бўлганини эшитган Зафар Бердиевнинг кайфияти кўтарилди. Ишдаги чарчоқлар унут бўлиб, ўзининг болалик хотиралари кўз олдидан ўта бошлади...

### Эътибор

Мақтабда ўқиб юрган кезларида ёш Зафарнинг истеъдодини пайқаган жисмоний тарбия ўқитувачиси унга спорт билан мунтазам шуғулланишни ва ўз устида тинимсиз ишлашни маслаҳат беради:

– Сенда тугма истеъдод бор экан. Агар мунтазам машқ қилсанг, албатта, чемпион бўласан.

Эътирофдан кўнгли тоғ бўлган йигитча спорт билан жиддий шуғулланишга аҳд қилди. Аммо, у пайтларда Бекобод шаҳрида бунинг учун имконият етарли эмасди. Бошқа шаҳарга қатнашга эса ота-онаси рухсат бермади. Шу бўлди-ю, унинг спортчи бўлиш орзулари армонга айланди. Ҳар сафар телевизорда спортчиларимизнинг ютуқларини кўрганда, энтикиб кўяр, юрагида янги орзу куртак ёза бошлаганини

ҳис этарди. "Ўғил кўрсам, албатта, спорт билан шуғуллантираман. Чемпион бўлиб, мен етолмаган марчаларга эришади", деган фикр хаёлида чарх уради. Шундай бўлди ҳам...

Мамлакатимизда истиклол йилларида фарзандларимизни ҳар жиҳатдан соғлом ва баркамол қилиб тарбиялаш масаласи давлат сийосатининг муҳим йўналишига айланди. Баркамол авлодни вояга етказишнинг энг самарали омил бўлган болалар спорти ривожлантириш борасида кенг қўламли ислохотлар амалга оширилди. Хусусан, Болалар спорти ривожлантириш жамғармасининг ташкил этилиши бу борадаги ишларни янги bosқичга олиб чикди. Бугун нафақат шаҳар, ҳатто юртимизнинг энг чекка туман ва қишлоқларида тузилган ўғил-



қизлар ҳам ўз иқтидори ва салоҳияти орқали дунё кезмокда, нуфузли мусобақаларда Ватанимиз шарафини муносиб ҳимоя қилмокда.

Ушбу йўналишда вилоятимизда ҳам ҳавас қилгулик натижалар бор. Жумладан, 2003-2016 йиллар давомида вилоятда 14 та сузми ҳаваси, 112 та спорт зали, 31 та Болалар мусика ва санъат мактаби ҳамда 26 та намунавий лойиҳалар асосидаги спорт мажмуалари, жами 200 дан ортик иншоотлар қуриб, фойдаланишга топширилди.

– Ўтган йили вилоятимизда бунёд этилган 24 та спорт объекти бугун ўсмирлар билан гажум, – дейди Болалар спорти ривожлантириш жамғармаси вилоят филиали бош мухтассиси Умида Юсупова. – Болалар ва ўсмирлар спорт, мусика ва санъат мактабларининг янги биналари, 20 та мактабда замонавий спорт залларини қуриш ҳамда мавжуд спорт мактабини капитал таъмирлаш учун жамғарма маблағлари ҳисобидан 18 миллиард 500 миллион сўм йўналтирилди.

Ёшлар орасида спортни янада оmmалаштириш, соғлом турмуш тарзини тарғиб қилиш бўйича олиб борилаётган саъй-ҳаракатлар натижасида, бугун вилоятда 98 мингга яқин эртамиз давомчиси спортнинг 44 тури билан мунтазам шуғулланмокда. Эътиборлиси, уларнинг 18 мингдан зиёди қизлардир.

– Авваллари қиз боланинг спорт билан шуғулланиши имконсиздек туюларди. Сабаби, биринчидан, етарли шароитнинг йўқлиги бўлса, иккинчидан, ота-оналарнинг қаттиқ қаршилиги эди, – дей-

Давоми 2-бетда. ➡



### 2017 йил – Халқ билан мулоқот ва инсон манфаатлари йили

Авал хабар берганимиздек, Олий Мажлис Сенати ва Қонунчилик палатаси вакилларидан иборат ишчи гуруҳ бир неча кун мобайнида Қўйи Чирчиқ туманида бўлиб, аҳоли турмуш тарзи, яшаш шароити билан яқиндан танишди. Парламент аъзолари туманга сафар мобайнида ҳудудни ижтимоий-иқтисодий ривожлантириш, фуқаролар ҳуқуқлари ва эркинликларини таъминлаш борасида амалга оширилаётган ишларни атрафлича ўрганишди.

## ПАРЛАМЕНТ ВАКИЛЛАРИ АҲОЛИ ХОНАДОНЛАРИДА

Халқ депутатлари Қўйи Чирчиқ тумани кенгашининг шу йил 13 февраль кўни бўлиб ўтган сессияси ана шу ўрганишлар тахлилга бағишланди. Йигиришида Олий Мажлис Қонунчилик палатаси депутатлари, Сенат аъзолари, хўжалик юритувчи субъектлар, нодавлат ташкилотлар ҳамда ишбилармон доира вакиллари иштирок этди. Сессияда таъкидланди-

ки, парламент вакиллари иш жараёнида 193 та хонадонга кириб, аҳолининг 141 муаммосини аниқлади. Бу муаммолар чуқур тахлил қилиниб, бир қисми жойида ҳал этилди. Қолган масалалар ечим бўйича тегишли мутасадди идораларга кўриб чиқиш ва ҳал этиш учун тавсиялар берилди. Яна бир қатор масалаларнинг ечими республика даражасига олиб чи-

қишни тақозо этиши боис, ишчи гуруҳ улар юзасидан ўзининг аниқ тақлифларини ишлаб чикди.

Таъкидлаш жоизки, аҳоли билан суҳбатларда тумандаги савдо нуқталари, маиший хизмат кўрсатиш ва умумий овқатланиш шахобчалари, айниқса, дорихоналар фаолияти талаб даражасида эмаслиги аён бўлди.

Давоми 2-бетда. ➡

## КУН ТАРТИБИДА – САЛОМАТЛИК

Жаҳон Соғлиқни сақлаш ташкилотининг маълумотларига қараганда, инсон соғлигининг 50-55 фоизи ташқи муҳит, овқатланиш ва яшаш шароитига, 10-15 фоизи соғлиқни сақлаш хизматида боғлиқ. Бинобарин, саломатликни таъминлашда атраф-муҳитнинг ҳолати ҳам етакчи ўрин эгаллар экан.

### Анжуман

Демак, ҳаёт кечириш учун атраф-муҳитни зарарламаслик чора-тадбирларини кўриш ҳар бир фуқаронинг асосий бурчи бўлиши керак.

Тошкент Давлат аграр университетида Тошкент вилояти табиати муҳофаза қилиш қўмитаси ва ҳамкор ташкилотлар томонидан "Экология ва инсон саломатлиги" мавзусида ўтказилган семинарда шу ҳақда сўз борди. Унда, вилоят табиати

ни муҳофаза қилиш қўмитаси масъул ходимлари, соҳа мутахассислари, олимлар, экспертлар, профессор-ўқитувчилар, талабалар ҳамда ОАВ вакиллари иштирок этди.

Таъкидлаш жоизки, ҳаётини-маиший жараёнлар оқибатида пайдо бўлаётган миллионлаб тонна чиқиндилар сув, ҳаво, тупроқни ифлослантирмокда. Бу эса юкумли ва турли хил касалликларнинг тарқали-

шига сабаб бўлмокда. Айрим ҳолларда атраф-муҳитнинг радиоактив ва кимёвий моддалар билан ифлосланиши аҳоли, чорва моллари, паррандаларнинг захарланишига олиб келмокда. Бугунги кунда саноат, қурилиш ва маиший чиқиндиларни тўплаш, қайта ишлаш ва йўқ қилиш муҳим экологик муаммолардан бири ҳисобланади.

Шу каби масалалар муҳокама қилинган мазкур семинар якунида тадбирларда фаол иштирок этган талабалар вилоят қўмитаси раҳбарияти томонидан диплом ҳамда эсдалик совғалари билан тақдирландилар.

Ўз муҳбиримиз.

### Маънавият

## КУТУБХОНАГА ЙЎЛ...

Ҳозирги Миллий университетнинг филология факультети сиртки бўлимида ўқиб юрган кезларимизда гоёт билимдон, баобру ва бағрикенг домлаэс Карим Назаров диалектология фанидан дарс берадилар. Бир кун дарс чоғида: "Йўмолим учди-кетти дайронинг шамолига", деб марок шаолан шезр ўқиб қолдилар.

Шезрни яқунлагач, домла савол ташладилар: – Бўстонликлик талабалар борми орангизда?

Мен қўл кўтардим. Яна кимдир бормикин, деган хаёлда атрафга қарадим. Аудиториянинг ўртарида бир қиз қуралай кўзларини менга тикиб турарди.

– Яхши, – дедилар ус-тоз. – Айтинглр-чи, мен ўқиган шезр Бўстонликдаги қишлоқлар шевасида борми?..

Икковимиз бараварига тасдиқладик. Кейин бил-сак, бу домланган талабаларни китобхонликка руҳлантириш ўзига хос усулларида бири экан.

Дарслар тугагач, бог оралаб бора эканмиз, қўлимдаги китобчага назари тушган ҳалиги курсдошим:

– Узингиз ёзганмисиз? – деб сўради.

– Қаёқдан билдингиз?

– Теласида исм-шарифингиз ёзилган-ку!

– Ха, биринчи китобчам...

Ўша даврларда муал-лифларнинг илк асарини

"Авторнинг биринчи китоби" рўқни билан чоп этиш русум бўлганди. Шу баҳона суҳбатимиз китоб мавзусига кўчди. Очиғини айтиб кўя қолай. Устозимиз Карим Назаров билан-билма, таништириб қўйган ўша курсдошим китобхонликнинг шарофати билан меҳроқибати умр йўлдошимга айланди. Талабалик кезларимиз мен Хондайлик қишлоғидаги отам мудирлик қиладиган кутубхонанинг ранг-баранг асарларга бойлиги ҳақида мақтансам, курсдошим ўзи туғилиб ўсган Қорамозор қишлоғи кутубхонасидан олиб ўқиган китоблари хусусида тўлиб-тошиб сўзларди.

Давоми 4-бетда. ➡

## «ШОД ЭТМАС ЭМИШ КЎНГИЛНИ ҒУРБАТДА КИШИ...»

Буюк бобокалонимиз Заҳириддин Муҳаммад Бобур бор-йўғи қирқ етти йил умр кўрган бўлса-да, Марказий ва Жанубий Осиё халқлари тарихида унутилмайдиган йирик давлат арбоби ва ҳарбий қўмондон, нозиктаб шоир ва тарихчи, файласуф ва табиатшунос, юртимизнинг жасур фарзанди бўлиб яшаб ўтди.

Ҳаёти ҳар қанча қийин кечмасин, Бобурнинг дилидан икки туйғу мустаҳкам ўрин олди. Бири – туғилган Ватанига, иккинчиси – адабиётга бўлган туғанмас меҳр. Бу икки тушунча билан боғлиқ кечинмалар шоҳ ва шоир кўнглининг ойнасига айланди. Шу ўринда Бобурнинг 1501-1503 йил-

ларда ҳозирги Тошкент вилояти ҳудудиде кечган саргардон ҳаёти саҳифаларининг "Бобурнома"да акс этган айрим хотира ва ғазалларидаги эстетик тажассумига тўхталмоқчи лозим топдик. Шоирнинг қуйидаги машхур рубойиси мазмунига эътибор беринг:

мехнатда киши,  
Шод этмас эмиш кўнгилни  
ғурбатда киши,  
Кўнглум бу ғарблиқда шод  
ўлмади ҳеч,  
Ғурбатда севунмас эмиш,  
албатта, киши.

Давоми 3-бетда. ➡





